



Laerskool Eligwa



H/v Conan Doyle en Lion Cachet Strate • ☒ 11 • VANDERBIJLPARK • 1900 • ☎ (016) 933-4774 • E-pos: lsegwa@eligwa.co.za

12 Augustus 2026

Geagte Ouers / Voogde

NUUSBRIEF NR. 10 VAN 2026

Graag bring ek die volgende onder u aandag:

1. FINANSIËLE STATE

Laerskool Eligwa kry jaarliks 'n skoon oudit vanaf die ouditeure waarop ons baie trots is. Die state is by die skool beskikbaar om te besigtig.

2. AANLYN INSKRYWINGS VIR GRAAD GR.1- LEERLINGE (2027)

Die aanlyn inskrywings vir Gr.1- leerlinge vir 2027 het reeds geopen op Woensdag 5 Augustus 2026 en sluit Vrydag, 4 September 2026. Die volgende **gesertifiseerde** dokumente moet by die skool ingehandig word:

- 2.1 Ouers se ID-dokumente.
- 2.2 Die kind se Suid-Afrikaanse geboortesertifikaat.
- 2.3 Bewys van adres (munisipale rekening nie ouer as 3 maande nie in die naam van die ouer **OF** indien u 'n huurder is, die kontrak van die huurooreenkoms vir 2027 geteken deur die verhuurder en huurder **OF** bewys van die rekeningstaat in die naam van die huurder van die huur wat betaal.
- 2.4 Bewys van werksadres.
- 2.5 Laaste vorderingsverslag van kind.
- 2.6 Kliniekkartaar/ Immunisasiesertifikaat/Inentingssertifikaat.
- 2.7 U **MOET** aanlyn registreer by www.gdeadmissions.gov.za.
- 2.8 Al is u kind in Graad R by Laerskool Eligwa, en u het reeds 'n papieraansoekvorm ingedien, moet u hom/haar steeds aanlyn registreer. Slegs aanlyn registrasies word deur die departement aanvaar. U is welkom om die skool te besoek indien u hulp benodig met die registrasieproses – ons help graag.

3. SOMERSDRAG

Somersdrag kan vanaf Maandag, 31 Augustus gedra word. Dit sluit ook Vrydagdrag in. Leerlinge wat Provinsiale kleure verwerf het in 'n bepaalde sportkode, mag ook die T-Hemp saam met die nuwe kortbroek dra. Let wel: Indien u kind nie oor 'n T-hemp beskik nie, word die gewone skooldrag op Vrydae gedra en is die dra van enige ander informele drag nie toelaatbaar nie. Ons wil graag 'n vriendelike beroep op u doen om asseblief u kinders netjies in skooldrag geklee skool toe te stuur. Dit bevorder goeie dissipline by die skool en skep ook 'n eenheidsgevoel onder die leerders. Ons verskaffers van skooldrag is **Ekspaar** en **MG's Schoolwear** in Vanderbijlpark en **White Cross** in Vereeniging.

4. PRODUKSIE 2000

Produksie 2000 besoek ons skool weer op Donderdag, 27 Augustus 2026 met “*Mr Papenfoes se probleem*” –dit is vol humor en dinamiese energie. Die boodskap is dat om te lewe, ‘n wonderlike reistog is en probleme eintlik net uitdagings is om te groei. Om te verseker dat ALMAL in die gehoor konsepte verstaan, word ouderdomsgerigte voorbeelde deurgaans gebruik. Koste beloop R35 per kind en u het tyd tot 27 Augustus 2026 om die betaling te doen.

5. LENTEDAG

Lente is in die lug en die gras en bome is besig om kleur te kry. Vir ‘n geringe bedrag van R10 gaan ons die leerlinge die geleentheid gee om Lentedag te vier. Op Vrydag, 4 September, gaan leerlinge geleentheid kry om gewone klere aan te trek. Dankie vir u ondersteuning.

6. REVUE

Die leerlinge is kliphard aan die oefen vir die revue en dit beloop om sommer ‘n lekker Ontspannende geleentheid te wees. Kaartjies beloop R100 per stoel en dit sal plaasvind op 15, 16 en 17 September 2026. Kaartjies is reeds by die kantoor beskikbaar. Ondersteun asseblief u kind.

7. RUGBYRAAI

Die Springbokke speel op 22 Augustus 2026 teen die All Blacks in Johannesburg. Dit beloop om sommer ‘n groot wedstryd te wees. Die prys is ‘n R800 koopbewys by die Graze Restaurant by die Emerald Casino. U wen dus die prys vir ‘n geringe bedrag van R7. Die sluitingsdatum is Vrydag, 21 Augustus 2026 om 12:00. Die wenner sal op Maandag, 24 Augustus 2026 bekend gemaak word. Die fondse sal aangewend word vir onderhoudswerk in die badkamers. Die vorms is in u kind se besit. Baie dankie vir u ondersteuning.

8. ENTREPRENEURSDAG

Ons Gr.7- leerlinge hou op 21 Augustus 2026 hulle jaarlikse entrepreneursdag. Ondersteun hulle asseblief.

9. BEGROTINGSVERGADERING

Op Dinsdag, 22 September 2026, sal daar ‘n begrotingsvergadering ten opsigte van 2027 se begroting plaasvind. Die vergadering sal om 17:30 ‘n aanvang neem. U teenwoordigheid sal baie waardeer word.

10. MINIHOKKIEDAG

Op 28 Augustus 2026 bied ons die minihokkiedag aan. Ons gaan om 13:00 sluit omrede die wedstryde om 14:00 begin. Gr. 1 tot 3-leerlinge sal om 12:45 sluit om die druk van die hekke te verlig. Dankie vir u begrip in die verband.

11. VERPLIGTE SKOOLBYWONING

Daar is ‘n tendens by sommige ouers om sonder enige geldige en skriftelike rede kinders tuis te hou. Neem asseblief kennis dat enige ouer/voog, wat sonder afdoende rede, ‘n leerder wat aan verpligte bywoning onderhewig is, daarvan weerhou om ‘n skool by te woon, skuldig is aan ‘n misdryf en by skuldigbevinding onderhewig aan ‘n boete of aan gevangenisstraf van 12 maande. Leerders raak agter met akademiese werk en assessering kan nie gedoen word nie. Dit kan dan aanleiding gee dat kinders onnodig ‘n graad moet herhaal. Byvoorbaat dankie vir u ondersteuning en begrip in die verband.

12. BESOEKERSKAART

Indien u die skool gedurende skoolure besoek, moet u eers by die kantoor aanmeld. U mag onder geen omstandighede enige personeellid besoek sonder 'n afspraak nie. Sodra u by die kantoor aanmeld, sal 'n besoekerskaart aan u uitgereik word sodat die personeel kan sien dat u wettig op die terrein is. Indien u geen besoekerskaart het nie, sal u gevra word om die terrein te verlaat. Sodra u afspraak afgehandel is, moet u asseblief die kaart terugbesorg in die kantoor. Bogenoemde reëling gaan oor die veiligheid van ons leerlinge. Dankie vir u begrip en ondersteuning in die verband.

13. KLERE

Ons wil 'n vriendelike dog ernstige beroep op ons ouers doen om u kinders se klere duidelik te merk. U moet ook elke aand kyk of u kind al sy/haar klere huis toe gebring het. Die klerebank het geweldig baie onopgeëiste klere. Ons gaan u geleentheid gee tot Vrydag, 21 Augustus 2026 om u kind se verlore klere by die klerebank af te haal waarna ons dit vir behoeftige kinders gaan gee. Die klerebank word bedryf deur Mev. Christelle Fourie vanaf haar woning. Indien daar enige behoefte is, kan u haar gerus kontak by 0760769294. Sy is slegs op Dinsdae en Donderdae beskikbaar tussen 18:00 – 19:00. Byvoorbaat dankie vir u ondersteuning en begrip in die verband.

Eligwagroete



BD BOSHOFF
HOOF